





豐陽先生集卷之十一

海鹽馮臯謨明卿甫著

姪振宗孫惟恒

際可

珍聘訂

墓志二

上舍黃玄泉暨配陳孺人合葬墓志

玄泉黃公飄髯渥姿肅容謹度雅不欲為世俗學  
亦雅不屑從世俗帖括士游少自髫齒為塾生即



豐陽先生集卷十一  
師友當世名人如太常青崖沈公給事雲邨許公相與切劘講究以聖賢自期許時陽明王先生倡起良知之學四方士靡然宗之公擔篋走謁王先生餘姚王先生歿其傳大盛於吉安其姍侍郎黃九菴陽明之門傑然公遂師九菴九菴遜謝處以師友間其交至深未幾吉人王東濠來守郡公繇編戶子踉蹌手藝厠多士謁王公庭下藝濡染學道家言王公覽之有當駭曰是安所得王先生噫咳因游揚督學濠溪張公其季庚子選應浙江鄉試補郡學增廣生王公復令入貲游國學王公好引士其曲至如此然公產竟以此坐絀當公游國學晉江蔡可泉講陽明學鼓動都人士公又師可泉歷北南兩國學兩應北南省鄉試交知盡兩六館名士公名亦譟起兩都六館中公故貲雄用里其游多裝齋摯遺又歲侵直中衰然任俠慕義爲名高固其性然居則曰寧人負我母我負人同舍生貸金數百竟不責報有以倭急陰屬索資公者須臾倭至掠失之出已資立償兄弟同產五諸子



森立公躬率孝友爲諸弟先五兄弟出入與偕誨子弟諄諄要以裋身力學爲務至適念本始篤厚宗支尤殷殷不少置宗人違侮起釁爲有司者辱挫比侮者死公復曲爲經紀其喪未嘗忿怨宗有負需叢悍卒迫之窘甚公匍匐救之得解早歲負豪晚季貶斥芒角削岸從夷社譏婆娑混跡里父時扁舟訪故人論舊杯酒間以娛暮景余不佞忝公里許公時時造余間飲余酒半曼聲起曰吾歿爾志吾棄忘也言已悲歌慷慨余卽席贈公一詩

慰藉之未幾疾作呼子餘慶訣曰吾家自大父創起傳吾父以詩書文雅纏綿補葺至於余坎壈且歿吾所婚交締結不敢棄墜辱吾先人爾勉力課諸孫學棄辱吾所婚交矣以萬曆某季月日率距生正德某季六十有八配陳孺人出圍山公季女婉婉有女德却卸珠翠綺繡靡麗斤斤畜雞牧豕真飪庖割佐公隆師賓友怡親睦族黃之室人多嗃嗃也孺人詭言曰以吾女而不敢聲加入也蓋有制也爲人母若主母則又曰出吾怒之所施而



未快也孰與受吾怒者之畏吾快也兩言著之可  
風入婦矣以公卒之月先二十八日卒距生正德  
某季六十有九公諱三錫字懷邦玄泉其號上世  
句容人姓皇甫國初避諱改今姓祖達商鹺來鹽  
徙家通玄里云

行人司副沈翁墓志

大行心松沈翁以冢君副察公初秩封也嘉靖午  
未中副察領江西潁北事稱備兵使者於儕輩嶽  
嶽居上余遂從後辱知最時時語露余懷余因得

稔翁興居公今亾幾何次君太學王翁狀屬余誌  
則副察墓木拱矣悲夫按翁系淮君宋建炎中迫  
胡南浮抵嘉興管田路破舟爲居俗呼淮船沈著  
矣後析邑爲嘉善人入 明永樂間有子良者性

倜儻生器器生濟濟生騫號雲冲雲冲配浦媪產  
女四末生翁翁諱揚字某心松其自號也翁幼警  
敏邑表文瑞先生能詩故雅士一見奇翁妻以女  
是爲表孺人也翁蚤業經統以失怙中輟痛父翁  
弗逮養承事母媪備至語表孺人曰母生四女一



男不足非財也斥田廬器具繒帛厚遺諸姊以虞  
母心表孺人能將之與諸姑薪炊共十許襁亡繼  
介言母病憊足爲枳翁偕表孺人更相背負直溽  
暑躬舁軟輿蔭修篁高柳下跣屣湯藥以進母沾  
沾喜矣覘副察太學異日課督兩君者序遊翩翩  
自雄歲大比罷歸庭下對翁邑邑翁寬言譬樹之  
曰若曹豈以我故自窘哉亟洗沐就學副察竟起  
家甲辰進士授官行人歷司副考最翁得今封比  
擢守臨江罷頻行翁誠之曰小子吾曩見宦者盈

橐而歸揚揚也是吾所恥也副察識其言如臨江  
起廉譽薦書上例守三薦得貶封副察薦且踰例  
具書請益封翁不可曰而起諸生得列緋稱牧守  
不思矜奮報國丐恩私親非忠也止之副察宦  
轍至絡繹迎翁養翁辭不赴曰吾於藜藿食復之  
且仲廩食亦祿養母恩乃公爲也甲寅岳夷犯境  
不得已挈室走臨江至兩月旋副察泣留不得出  
俸羸爲翁裝翁曰俸當食官吾教而廉顧取而俸  
耶堅辭之還僦城居城市雜喧囂翁屏居簡出間



携一二童子褐衣行楚楚遇里父老斑荆叙舊莫  
不曰沈翁沈翁云劉卿唐巖劉公我渡陳公時爲  
守令皆賓翁鄉飲親及門蓋亦嚴重翁矣己丑翁  
與袁孺人同八表副察時解綬構園亭蒔嘉花卉  
疊石引流兩君率子若孫捧觴膝下稱萬壽戚屬  
美文詞羣爲賀翁謙讓唯唯遍觴諸賓客盡醉是  
日絲竹駢羅賓主胥洽令周公聞而嘉之扁其堂  
曰一樂傳其事邑人咸嘖嘖焉翁直性朗中不設  
機穽論事當否輒侃侃語及人過瘖如也季八十  
餘廣堂宴客深夜危坐目光炯炯射炬庭多植松  
把玩蒼翠會心則焚香酌茗取古今書抽閱時削  
牘揭書勅厲來茲爲家不事積聚親知故舊置產  
給業推哺衣食賑施乘恡歿之日諫笥亡長物惟  
古圖書石硯及諸名家墨蹟而已非孝其謹恪兢  
兢之隱君子哉翁卒其季月葬其里

三峰朱翁墓志銘

翁姓朱諱瑋字朝華三峰其號也其先出婺源寔  
紫陽先生後裔元至正間判簿公順徙居余邑尚



齊里五傳爲松居處士原貞富而好禮能大其家  
聲生瓊瓊生銳銳生瀚瀚生翁父北巖公母王媪  
蚤背鞠於後母王王母董家嚴翁依依爲孺子慕  
事之四十季如一日母亦嘔歔愛如已出北巖公  
同堂兄弟十人盡殖貲雄視其鄉北巖獨課翁學  
授尚書翁穎敏尤嗜學卽病甚不廢業髫季學成  
兼通諸子百家言補郡增廣生遊南國學司成南  
海汪先生俊一見異之延置私塾處以賓友之間  
北巖公疾嘗遺廩積穀數千碩嘉靖庚辛歲大侵

人食榆莢閭里太婦家十而五佃家子間多太婦  
翁呼與語曰若等爲旦夕謀亡幾爾而輕太婦吾  
憫之吾少貸汝粟存若婦可乎衆感泣與之粟太  
里中聞者相率造翁貸粟則不問佃與否卽貧不  
至太婦者亦得從貸壬寅再不登癸甲蝗旱貧氓  
益不能爲命翁晨起佇門扉望有餓夫菜色卽手  
粥糜食之室中藏盡罄復顧場間露困可數千斛  
則爲約佃畝者又與之粟斗遠近一時携老稚從  
翁貸塞戶卽不問佃與否而困又盡矣翁好爲德



值屢青菽粟入不能勝其貸貸出徃徃折券不責  
償卽償不責如貸數以是頗受困更徭賦稅窘急  
迫促盡出泉紵縷布三金六畜以佐官輸然其奉  
北巘公時蔬菓潔修髓賓徒滿座三黨媻故待負  
踵接不靳割上腴之產嚮當市之居賤受其直急  
人於難是時諸子曰管曰陳範曰篚曰某曰某彬  
彬儒林翁困約不乘刺感指諸子所讀書曰是安  
所得濟乎則遣從劉顧兩造士笈受端簡鄭公業  
擷其菁華訂證經學益開來裔邑今涇陽董公珪

莆田鄭公茂皆才吏亢倨鮮當意遇翁必霽色爲  
貌翁固足重亦以諸子弟才也孫學顏嗣歛起尤  
以敏異爲鄭公所奇有賞詞翁識其言而且督之  
而且慰之而且詈之而且勞之所以勅厲磨琢深  
注意已學顏錄鄉書成進士則兩詣北巘公祠泣  
再拜曰兒忝德不敢居也比向所欲公婦者得貸  
粟者袒免待負者相率爲賀則蓋市牛酒爲歡曰  
某老藉庇諸君不識稚子能報稱主上而酬諸  
君意乎又遜謝不敢當翁頽容鬢髯聲如洪鐘威



儀棣棣性度溫讓沖和不事矯暴與人語欵欵務  
依忠厚內行甚整晚歲傳家稍存畝鍾之田三頃  
收入爲醇醪旦日飲三杯微醺陶陶羸入不欲爲  
居積與諸孫約婚嫁者卹而學者遊泮者就省試  
者舉曾孫者應賓貢者與計偕者予之粟隆殺有  
等差逮及童奴臧獲服食媿悉具有劑量靡不周  
至尤虔於享祀謂孝子舍是無以致情歲時上松  
居公墓宗人子勿率稱大義讓責封鬣間雖富者  
桀鷲者齒相埒者莫敢不唯命人以比方陳太丘  
行誼標著載在邑乘縣大夫親扶鳩杖賓致鄉飲  
觀者嘖嘖歎服翁通醫善攝養當大漸謝穀食啖  
酥乳兩月奄然長逝翁生弘治某季月日卒萬曆  
某季月日陳範等以某季月日扶翁柩與先太孺  
人顧合葬秦谿新阡以學顏狀纍纍哀麻囑余不  
佞誌余惟翁仁心爲質施舍不倦醞胚胎發於子  
孫傑出崢嶸人之言曰溪山大窟龍蛇蟄焉維翁  
以之爰表慶源以彰有德銘曰

巖巖礫礫三峰嵯峨蜿蜒磅礴德譬若何鬱爲雲



虹澤霽滂沱出之涓涓爲江爲河旣沾旣溉寔繁  
孔多重巒鎔鐔卜世靡佗

孝廉澄吾顧公墓志

余不佞往業鉛槧與澄吾公爲同志是在嘉靖中  
歲時藝務侈才技豪士縱橫誅蕩高自托於舍筏  
眠繩尺家猥以是爲拘拘者爾不佞聞獨斤斤守  
繩尺與公語合二人者爲會每奏藝必交相攻鎔  
退而各厭其意嘗謂孔孟之義發於晦翁而微文  
隱義則詳備於虛齋蔡先生之說二人者揭竿持

蔡先生說未幾余公而應辟公則與其中表廻州  
小峰兩朱君摩研砥礪荏苒垂二十季益習爲文  
攄寫真臆溫純爾雅諷之悠然有味督學豐城雷  
公武進薛公石埭畢公遞試遞弁邑諸士邑諸曹  
偶士稔其文率低首下之坊肆剞劂傳布吳越吳  
越稔其文靡不向慕公矣公用蔡先生說爲文名  
高弟子就之如雲邑中諸長老先生多率子弟納  
屨門下其爲公大父執亦折行禮公其見重如此  
公明經尤善爲解與弟子解纒纒泮泮或分章析



句或翹流還源羣弟子聽之解頤鬢舍中文采恢  
奇之士大半皆出公門郎中鄭君叔平主事劉君  
敬修進士許君長孺咸公陶鑄士也久之積次升  
禮部爲國學生值畢公爲部尚書公操故業摯畢  
公公接之曰嗟嗟顧生而尚滯一舉哉爲延譽公  
卿間公一日名滿都下范太史屏麓遺其子從學  
六館士竊竊聞公名願交公其季癸酉以尚書占  
順天鄉試第三主考太原王公莆陽陳公熟公名  
敘榜大喜得雋士房考餘姚周公故嘗誦公文稱

公老先生不敢屈公弟子坐一時知不知無弗謂  
公廷對取大魁者乃南宮試歸踰季竟卒矣公  
冲夷雅淡中無機類外無營殖平生睫不離卷顧  
短於視當其橫几注睛凝神攝息不聞雷霆之過  
乎耳蚊虻之繞於側及義意有得躍起暢快拍掌  
鼓掉有不能自己之意至於內行淳備孝友尤其  
天性父少豐先生舉於鄉亦早卒公讀其遺文未  
嘗不流涕欷歔母性嚴急稍不當意必長跽得色  
喜而起弟築早歿語輒感容厚恤其娶伯祖遺妾



收養終身歿爲棺殮撫教二從弟成材廷策爲魁  
學生有聲公扶義侔儻媿恤族賑窮調乏施舍  
不勅斯誼行惇篤尤可爲世佻薄者風勸矣公姓  
顧諱槃字啓碩登吾其號云余覩少豐先生狀魁  
然弘覽而踔識蹶不第公遲歲得舉然又蹶子父  
才雄負凌厲橫絕之氣奈挫折湮沉先後皆不克  
一展血嗣斬然一丘蒸翳斯志士過之不禁撫膺  
太息也余故爲敘其行略今覽者者考焉

祝迴川先生墓表

公祝姓諱世德字子厚號迴川海寧迤北五十里  
曰袁花里祝氏世居之族屬殷殷咸敦習詩書弘  
德迄今項背登貴仕故邑中共推祝矣公祖若父  
相繼舉進士於祝爲尤著祖曰萃仕督學使進叅  
政學士遠邇宗之稱虛齋先生是也父繼臯守司  
馬尚書郎前母劉媪母高媪咸封安人嘉靖辛卯  
司馬官池陽公生池陽署中守侯公雅重司馬才  
兩公交莫逆司馬喜生兒襁胝兒侯公侯公弄之  
戲令啼聞其聲大奇之比髻發所藏祖父書篝燈



讀司馬卧帷中聽之琅琅中音節喜曰吾家世有  
德譽兒名德當愈益厚之因字之曰厚季十七補  
邑弟子員比部邵公經邦嘗論抵永嘉相伉倨少  
許可特器重公納錫舍試有司輒高等杭太守嚴  
公某正色蒞諸生諸生儼然憚之愛公爲加膝曰  
奈何諸生得祝生文也公感益憤發曰某不敏墮  
先人業亡論負婦翁負侯公嚴公何構李戚卿元  
佐伯仲起麟經名專門公摯脩脯迎戚卿請曰某  
泛駕失步願受榭榭戚卿指案天經曰此非汝榭  
榭耶學成名益起諸生問顧困於場屋卒不得一  
舉客或從叟公何自苦繫鄉校輸貲游國學取累  
綬易易公從容謝客退謂二子客欲墨吾綬耶恐  
吾名與墨耳兒輩勉之而華綬我未晚矣爲建東  
樓置二子課讀其中萬曆丙子伯子以庭應辟舉  
公造書謝學官藩長王公檄褒之令公側注冠博  
士冠辭不受公豐頤朴貌恂恂儒者衣大布不勝  
宗人子窘徵調纍纍被楚幾就斃公閔然曰是傴  
僂者吾支屬也誠不能靳吾產紆之揭書告諸豪



欲吾產予吾直得直爲代輸宗窶人得不死兄子  
以庠鄉舉士橫構整衆寃之公散橐資力爲白迄  
不白弟滯滯枕席庠每語所知啣感且愧叔母周  
寡而貧公迎贍終其身兼資之歿還其貸項光祿  
錫公中表戚曩公庀宅項爲給材居恒爲子曰而  
知屋材自平庭且舉相率持子母錢揮涕拜項墓  
報光祿地下伯兄落莫而衰時時扶掖飲花下盡  
歡田廬食賄盈胸豐嗇一切勿問叱咤不及大馬  
屠狗馬醫亡賤視黥奴豪舉內訶外眊攢挾挨枕

一切以楛筲消之其言富貴浮漚耳儵然滅沒安  
爲溟渤有乘其曠識如此公少負大志齟齬中道  
不得於身而僅得於子有足悲者至肫肫務義恤  
娶拯難孝友睦嫻以益濬其原而昌其後斯尤篤  
厚君子矣公卒萬曆丁丑某月日季僅四十有七  
伯子從計偕奔還手狀走謁汪侍郎道昆大彰志  
銘公葬虹瑤塘原復衰經率仲以應屬余不佞表  
葬處應余甥不能辭因掇公大都署曰明處士廻  
川祝公之墓其詳具汪侍郎志不著



遠上寒山石金斜  
白雲深處有人家  
五月花

豐陽先生集卷之十一終

豐陽先生集卷之十二

海鹽馮臯謨明卿甫著

姪振宗孫惟恒

際可

珍聘訂

祭文

祭董少溟侍御文

嗚呼公之幼君則余少嫗也余托公葭葦誼至深  
矣而吾兩人者相知寧今日乎蚤歲角藝名場彼



此相推第也又受書湯先生爲同門兩人者益心  
相許矣比公今宜與余適使至握手姑蘓之臺引  
杯看劍譚笑終夕何驩哉嗣公持斧嶽嶽南遊姑  
孰西歷函關狐走豺伏而余馳驅額外險阻難  
經歲或通一書十年不得一函然而心相許者如  
故也季來作盟泉石社謾綢繆加以情深兒女交  
好益篤方靳百季永聚暮齒是娛孰謂公遽棄我  
長逝耶公骨相堅聳性亦如之持論侃侃每感切  
人情傷悼薄俗輒髮上指冠日背決裂豪賢靡息  
官爵靡戀豈非強直勁節激烈不回豪士耶乃聞  
公屬纊獨盼盼膝間目瞠口塞多所不能語嗚呼  
難言矣難言矣余忝義分顧身且老安能爲公七  
尺孤地惟是長公稱家督義能育爾幼君至於成  
立公復何憾於地下也繡衣翩翩恍在心目疇咎  
見夢前余三揖如聞公言撫孤是責羊舌灑涕卹  
成分宅古人可追惟有太息嗚呼尚饗

祭沈太公文

洵耆德之焯焯兮朴茂擬乎古人稟正直而不阿



兮彬彬質有其文覽恒物之大情兮疇不愛夫榮  
名羞緋服之薦加兮讓跋蹇而弗承美令子之庸  
顯兮蜚香名於上都頒食稍之二千兮躬淡泊而  
藿蔬執桂蘭其滿砌兮繼覽秀而崢嶸勤穡人之  
故業兮玩手談於餘生苟余心之罔疵兮又何必  
尚夫隱默也貌扇扇而瞿瞿兮津津有味其言之  
也歷四朝之沕穆兮寒燠換而七旬慶陶陶於鶴  
算兮何忝於今之逸民托盈虛於造化兮撫鹿門  
而相羊遊時序之往復兮什詰嗣以取償白日忽  
其不淹兮羗俄及乎崦嵫少微暖而靡光兮菊渝  
節而隕之遽村墟之窳澗兮走姻知而刺促豈不  
知古稀之眇鮮兮跂彭蠡猶謂之感撫竹林而怵  
怛兮渺一伸之悠悠傷令子之纒纒兮奈悲風之  
啾啾緬容徽之尚觀兮語笑恍其可親寫椒漿於  
一卣兮冀來格而余歆

祭祝廻川文

嘻靈輜之遄發兮霜皚皚而木零邈陵原之永隔  
兮恍語笑其猶生托肺腑於姻連兮情纏綿於友



豐陽先生集卷之三  
三  
朋歲觴我於華軒兮蘭馥郁于盈庭繁珍綺之鎔  
陳兮矧有酒之如澠間笙歌於中席兮或夜睇于  
曉星攬衣裘以送遠兮遡吳門而揚舲臨江流以  
醜酒兮撫長鈎而縱橫指帝閣於咫尺兮氣鬱葱  
乎青旻甫十旬之倏忽兮吊與賀而并乘始怛化  
而徬徨兮淚簌簌而沾纓爰徵往而盼來兮夫何  
憾乎杏冥卽死壽之不貳兮生何美乎錢鏗神翺  
翔於玄漠兮等浮游於渤溟留懿稱於邑里兮猥  
捉筆於遺銘風蕭蕭而吹紉兮歌薤露而淒清嗚

呼尚饗

祭胥峰陸先生文

嗚呼孰謂翁其遽逝乎極南一星忽然隕落瞻彼  
在天疇不鎔愕今海內諸交知及與嗣君接柩同  
升之士千里慰唁且踵至矣有不頌論德聲鳴邑  
於哲人之安仰者哉翁纂承家學韞櫝六經穎出  
而魁京闈擢上第爲天子恣從之臣伯仲一時  
雁行朝省談者比於韋氏之躅翁於仕可謂通矣  
卷而屏居躬仁服義秉禮持謙其刑家範俗動以



古道身自檢律至御臧獲僕隸未嘗啐辭厲色談者比於石氏之醇謹翁於德可謂厚矣蘭蓀鳳翥珮玉琳瑯列內服者斑聯八座望重兩都外者督學名區次或揚芬桂籍或毓秀儒宮談者比於竇氏之盛翁於福可謂厚矣翁聞嘗歷天台遊雁宕探禹穴訪金堂石室之秘采玉芝瑤艸之奇且衆建名利以擬於名山之藏茗溪天目風氣鬱盤則翁之精爽在焉歲一遊歷必裴裊瞻眺茲其逝也亦以是遊豈大山賦固欲藉翁以效靈與抑殘

祭顧澄吾孝廉文

山剩水翁不能棄遺念與某忝戚里謬辱今子知凌臨文壺傷聊撮翁仁智之緒以薦些言誠不能言其大也嗚呼尚饗

維萬曆三年二月二日澄吾顧公訃聞友人馮

某既爲經紀其事越十八日具絮酒之儀頌其棺而號曰吾友澄吾遽至是乎憶咎與公聯袂而遊學宮也竝竊一時之譽余實駑下愧於先登公愈養愈粹而名愈高諸士望之如山從之如雲乃歲



豐陽先生集卷之二  
癸酉公魁擢京闈士莫不忻忻喜曰公厚積而大  
發如此公辛苦一經天不負公如此非特少而壯  
者感奮暮而僊者率皆動發矍矍有益壯之思焉  
余實踴躍不能禁也公歸自燕顧余舍中見余二  
雛余固得之甚喜且晚公嘖嘖若有美於余者已  
復愀然別踰月而公疾作矣當公疾亟余問之榻  
前公瞪目眊余曰吾後事且累若其言縷縷靡不  
悉公中表存峰朱君暨壻朱應箕在且哭且書筆  
記其言余亦哽咽悲塞不忍終聽是在正月十一  
日也然猶冀公萬一得生執友通姻致多醫罔效  
以二月二日奄逝嗚呼有材輪菌而胡其推乎有  
玉璠璣而胡毀乎慈帷皓首淒其室矣  
丁舍蕭條  
悲其後矣傷心乎傷心乎吾誠叩穹蒼  
日月淚  
簌簌而不能已矣嗚呼尚饗

祭許給事文

代里人作

故諫議雲翁許大夫崇祀孔廟此督學鉅公盛舉  
寧鹽兩邑人士輿情而我紫雲里人尤竊繫心稱  
大快者也下走錢某役主進醪飲某某等五十人



敬陳絮酒之儀而爲之詞曰嗚呼凡我儕類持醪  
捧俎匍匐而跽翁祠下者皆翁曩時里父老也翁  
厭世且十七季吾儕奠翁幄次者一奠翁墓道者  
一茲奠三矣每奠則有悽愴之情焉有感慕之思  
焉吾儕者非秉耒之耕夫則操斤之樵子爾翁之  
節昂昂獨挺折檻批鱗翁之文蒼蒼古色軼漢馳  
秦在遺編與國史寧假口於吾儕之小人惟弓旌  
兮雜沓時驚睹其煌煌或策笠兮耕釣亦厠跡其  
泮泮然總不能則翁之庭宇窺翁之仞墻雲乘心  
於出岫鳥獨戀於幽棲塵埽軒冕之輩嘔响閭里  
之兒爾尊爾貴爾削其岸我鋤我耨我忘其畔和  
光同塵笑嘻嘻弄玩憶島夷之踐境紛叫囂乎海陬  
幸我里之蘇息藉一言於山丘其達人稱之曰箕  
山之胤吾黨則私之曰彥方之流翁之來徙喟喟  
羣疑亶之久居靡人不歸翁之丁季油油衆人亶  
之歿後輿傷乃心蒼山白雲長兼代謝生而表鄉  
沒而祀社薦此一杯永馨蘭若嗚呼尚饗

祭張太夫人文



嗟發星之摧落歎身時而夜驚悵慈帷之黯淚  
潛潛而墮傾尊瑤池之亟召訝倏忽而不停享季  
過於七表福奚啻乎百齡夫君玉泉建牙擁燾偉  
然負東南大將之名而駢蕃錫祉於承明育子  
繼泉瑰偉奇特拜命分旄復茲海城而亦大闡  
乎先公之威望松海氛於肅清壻君閥門之胄孫  
郎汗血之英而况閩內之德賑族姻歷歷乎可  
指而稱訃音希聞鄉閭戚屬與夫輿臺成卒靡不  
涕下而沾纓前屬纊曰有子拖黃曳紫捧觴稱慶  
於庭當筵歌舞歡飲如澠詰晨洗沐而齣齣冥逝  
若委蛻之輕僊僊乎高舉白雲之層某咎玉泉  
共事嶺南瀚海風波言之辛酸夫人念之囑乃弗  
諼繼泉重來世誼纏綿存我幽谷稠渥加前夫人  
在幃遙追玉泉我患我卹我嗣我憐夫人之德義  
重如山我則不腆莫伸一虔而托之乎長嘆嗚呼  
尚饗

祭許母陶太夫人文

嗚呼在咎南國之化起自后妃而公卿大夫之賢



則夫人飭躬修職醞釀胚胎有內德焉而王道所  
由成也豈非古之懿美哉乃於許母陶太夫人見  
之吾邑諫議雲邨先生懷忠負義耽好泉石堅謝  
榮祿有桐江之風家居敦崇古道著書萬卷不一  
字落於人間也是不可以激頑起懦爲當代偉人  
哉太夫人實相之以成此名也有子星石懷瑾握  
瑜筮仕畿輔明允執法有臯陶之問薦書旁午  
天子注籍行且寄司耳目而以艱大投畀也是不  
謂矯矯人豪磊磊恢大之雄才哉微太夫人孰與

成之太夫人春秋高星石君不能一日違色養迎  
而之官瀛海之間有神僊不死之藥焉君曰潔脩  
灑採靈藥和而進之食箸太夫人沾沾喜加一七  
則星石喜太夫在帷星石每定省受誡出視公事  
入侍私室從容具語曰所決獄幾何活人命幾何  
而歸其德姆教太夫人破顏加喜則星石君益又  
喜而鑿之章而鳳之誥 恩光覩於日暎而蘭之  
芬而玉之茁瑞物爛乎庭階夫珍與乘者測其淵  
海之藏揚瑞羽者靈其丹山之穴非太夫人乘以



成星石君之賢非星石君何以徵太夫人之教于  
滄之涓于河之涘于齊魯吳會之區惟婺星兮騰  
曜卜翬翟兮長垂何丹旒兮霏霏告靈歸兮棲其  
歌薤露兮駕素乘奠酒漿兮紛縞衣指白雲于天  
際問返魂以何期痛棘人之纏恨每瞻星以奔車  
感君親之交併涕橫集而交頤薦椒漿與桂醕聊  
述德而陳詞嗚呼尚饗

雜文

藏卷遺言

此余繆舉鄉闈卷也覽之淺陋愧色滿面顧有未  
忍棄太者念韋布遭際藉手茲卷余樹立卑卑實  
負茲卷卷不負我矣矧二三主司批抹真蹟具在  
見是卷卽二三公在目可忘耶主司房考則峽江  
邊公毅總考則內江高公世彥監臨則孟津李公  
天寵其季爲嘉靖己酉余始赴省試寓宿夢一節  
推手余卷評論叅政前叅政嘖嘖有賞詞節推搖  
手不可余氣勃發撞之仆傍侍者兩扶之曰是下  
有雞窠勿壞視雞雛一簇距百雞西也窠科也邊



公節推高公叅政初邊公取余卷稍亞高公拔之  
廁尚書第四人一一與夢符豈偶然哉旣放榜請  
卷李公曰吾將攜去鎮吾家後十年吾師龍涇湯  
公僉憲中州從李公子鄉進士覓得之李公以事  
見泐謨得送之歛邊公嘗登其堂載拜焉高公恩  
最鉅未有以報我子孫可忘耶獨會卷不檢竟失  
之至今悵然房考檢討青城毛公起主考學士茶  
陵張公治尚書太和歐陽公德因併書納篋中傳  
眎我後人云

屬守祠者說

豐陽主人卜兆管山之陽而姑園之名曰白鶴取  
鶴歸華表之義別有記其東爲修真觀舊有繆道  
菴故址余復之用堪輿說建鎮山樓當鶴園左方  
樓上下奉太土關聖梓潼神像期以鎮壓妖邪却  
贊文事有禱焉樓後爲祠堂肖吾像異時者吾宅  
之在原棲之在祠或神遊八表或魄散六虛而總  
不離斯丘祠以內竝設吾家五世祖先神位歲時  
享祀祠爲謨建得稱主人而吾五世祖孫父子兄



弟伯父伯叔其食一堂儼如生存何歡哉最後爲  
書院邑令閩人謝公月航手題云叅知馮公讀書  
處吾平生所讀五經諸史下泊百家小說若干卷  
置吾像傍吾神靈有知問取游目吾雖死之日猶  
生之季此吾所以興復繆道菴蓋有託於斯也人  
或視余此舉若迂闊事余自謂不迂闊矣里獄廟  
道士凌朝元信實有行而其徒若孫多循謹有師  
祖風吾招之爲是菴主撥田二十許畝俾爲世業  
而吾百季身後之計終且屬之余闕載籍古今王  
侯第宅傳之子孫遠者一再世近者不旋踵而皆  
化爲艸莽之區惟付之僧徒道侶隨廢隨興煌煌  
若新而當時捨宅主人名亦與傳曰此某氏之所  
捨建也且也藏書者必於名山不佞意有在於斯  
乎有在於斯乎雖然陵谷變遷至於土裂山崩祠  
又安托吾迂矣吾迂矣

題徐氏節孝流芳卷

納齋徐翁釋太佔俾婆娑里門口抽腹笥訓課子  
弟子四咸彬彬列儒生林矣然翁所崇尚尤以孝



義節行爲本恤婺收孤葺墓虔祀身爲表幟復手  
擷其祖先禫續五世闡內外節孝殊絕者類爲卷  
署曰節孝流芳繪圖而各系以說祖自穀城北夢  
憤志卒爲時賢傳樂隱公暨翁之身則待聘繼之  
非獨學茂也亦孝友足稱焉母自孟氏茹辛含荼  
割股吮血傳而唐氏之母儀姑姜氏婦朱氏媳一  
金女之貞節而妹季貞臂髮殉歿誓彼柏舟節烈  
尤著故圖有臃腫淋漓吹呵觸噦若有螫而不能  
忍者有伊吾隱几夢像恍惚若趨庭而受誡者有  
墟墓葱菁執爵執漿若悲其失而忻其復者有憑  
棺啼號提刀向髮頰其狹呱呱者有沉痾伏枕晨  
夕湯藥蓬垢而忘櫛沐者悉狀其實當時達官願  
彥藝苑雄流揮灑詩文附圖左方信足傳後編成  
納齋具書余曰吾徐上世沐徙也當成弘之朝王  
父穀城學訓寔啓家云學訓旣爲馮母狀詒言來  
茲有能紹祖武惇孝義者竝識之譜世齊焉不佞  
澣謹奉先志特舉嗣世士行閨淑可數者畧述大  
都祈子一言寵之余敬諾而爲之題曰邑江以南



豐陽先生集卷之二  
稱麗區矣靡俗沉痾世家巨姓率侈矜誕容飾都  
甚蘄傳家計長遠奉放義旋踵羣指而姍笑之穀  
城何其宏覽踔識君子也節孝繩繩流布芳澤納  
齋亦可謂好義汲汲得刑家之道矣

書仲父詩社卷後

吾家仲父翁奉望八幸健婆娑行壯夫不如里有  
刹院三宏敞據水濱其徒多持戒修行間能操弄  
楮墨好延禮賢豪長者里文學高賢騷人韻客厭  
苦覺煩則每就其徒嬉遊散慮以爲勝地仲父亦  
追隨其間久之情好投洽爲旬日一會會則擷園  
蔬沽村釀酒酣擊缶時或歌吟寄思僊僊乎甚適  
三三緇流雜出梵語間之仲父倚席聽之又從而  
和焉諸在座舉酒屬曰翁老矣好吟不倦請推之  
曰社長吾仲父實不敢當長也比會必盡曰驩謔  
言旋言歸歌響互答至溪橋分袂爲常嗚呼茲會  
亦甚雅矣通江李子摸寫其似繪以圖各賦詩爲  
仲父贈吾仲父所見推諸君與諸君所嘉愛仲父  
披圖宛然洵足把翫也里中兒醵金錢爲會割鮮



豐陽先生集卷之二  
一四  
莫肥饜飽漿肉此養物爾諸君獨以詩詞矜高且  
長吾家仲父翁有杖出斯出義又何厚哉仲父雅  
不欲以詩自名顧從諸君子清歌樂飲日可六七  
斗而醉二三斯亦壯哉壽徵也某不肖敢不拜手  
一述其事并以謝諸君子

悼詩述語

在禮喪必有賵賻豈不厚哉然於化者乘裨矣惟  
哀輓之辭手自名賢發宮商之高韻遍金石之遺  
音如薤露蒿里招魂等篇讀之唏吁猶能想見其  
人於千百載之上其人不與其詩並傳不朽耶余  
懼變之夕則泣血矢曰孤不幸不敢重煩戚里奠  
遺以甚不孝繼戚里善詩者各爲悼章遺之累得  
如干首或徵德於蘋藻或宣教於鮫丸或頌美於  
霞帔或攄哀於風木余竊感其言其爲賵賻何侈  
哉每一展閱涕泗交頤爰付梓人藏爲世珍以乘  
忘諸君子之雅詩居山澤者什九士出則與軒冕  
貴人接軫亨衢處則與林翁野叟黃冠緇流歌詠  
泉石今其詩皆余所通善槩隱顯之跡云詩非余



所知也嗚呼古有布衣之俠母歿送葬四方畢至  
吾獨不得與此人同哉

豐陽先生集卷之十二終



